

Мокшарзань  
ВЛКСМ-нь обкомть  
и Саранскаень  
Горкомть газетасна

Редакциянь адресонь:

Саранск, ул. Карла  
Маркса 9-й, Комсо-  
молонь вайгаль

Газетань питнец  
ковс 60 трешник



КОМСОМОЛОНЬ  
ВАЙГАЛЬ

8

ДЕКАБРЬСТА  
1935 КИЗОНЯ  
135 (236) №

Лисенди омбоце кизонь 12

Алексин, 1. Самок эсь районо-  
зонза ОКДВА-нь танкистсь комис-  
молецсь Аксеновсь, ноябрь 29-де  
шистонза вельф йотзе всесоюзной  
рекордть переменин сечениань  
колодатненди ашконь анокламаса  
Аксеновсь пашкодезе шинь зада-  
ниянь 2.162 процентс и работам  
питниц тя шить инкса ульсь 208  
цаликвейхть. („К. П.“)

# СТАЛИН ялгат РЕЧЕЦ

инголи моли комбайнерхненъ и комбайнеркатненъ совещаниясост

Декабрь 1-це шистонза 1935-це кизоня

Ялгат! Мяргода васендакига а з о м с теентть приветствия нят сатфксненъ инкса, конатненъ тинь сатость сьоронь урядама фронтть эса. Сатфксоньте тинь аф йомлат. Кда кучкава лувозь (средняйста) сембе СССР-ть эзга фкя кизоти минь эрь комбайнанеке кармась тиеньдема кафксть сяда лама, то тя—аф йомла сатфкс. Тя сатфкссь сембодонга пях важнай минь странанеконь условиязон эса, коса технически подкованнай ломаньда коль ниньге кржа. Минь странанекя ялан отличандакшневьс технически подкованнай кадратненъ аф сатомшка шиснон мархта, сембедонга пях земледелиянь областса. Кадратненъ технической ширьде анокламаса целай странань рамкатненъ эса—тя пях оцю тев. Сон веши лама кемотть кизот. И кда минь сравнительна нюрхкяня пиньгста сатоськ сянь, што исяконь сьора видиень цьоратненъ и стирьхненъ эзда анокламе (выработали) отличнай комбайнерхт и комбайнеркат, конат вельф йотнесазь капиталистической странатненъ нормаснон, то тя значит, што минь странасонек технической кадрань касфтома тевсь моли инголи семимильнай аськолксса. Да, ялгат, тинь сатфксоньте значительнохть и серьезнайхть, и тинь вполне заслуживаете сянь, штоба партиять и правительствать руководителсна азондохть теентть приветствия. (Кядень цяпамат).

А тани мяргода йотамс тевть существованцты.

Миньцонек сидеста корхнихть, што минь ни разрешандаськ зерновой проблемать. Тя, канешна, виле, кда сьавомс мяльс минь мархтонок йотафневи таниень пингть. Минь кочксетяма тятденъ кизотъ 5 пале мархта миллиарда лама пуд сьора. Тя марнек сатомшка сяньди, штоба топодемс (вдостоль) анломс эряйхненъ и кадомс ниньге сатомшка запаст, конат, эрявихть фсякай инголениди апакаватт (непредвиденнай) случайхненди. Тя, канешна, аф кальдав тячиень шиньди. Но тейнек аш кода лотксемс аныцек тячиень шить лангс. Тейнек эряви арьсемс вандыень шить колганга, маластонь ингольденъ пингть колга. А кда ваномс тя тевть лангс вандыень шить коряс, то сатф результаттненъ лангс тейнек лоткамс аш кода. Мзяра эрявксты тейнек сьорода маластонь пингть, мярьктыма колма—ниле кизода меле? Тейнек эрявксты аф 7—8 миллиард пудта кржа сьора. Вов кода ащи тевсь, ялгат. Стало быть, тейнек эряви таникига примамс мерат сяньди, штоба сьоронь производствась касоль миньценок кизоста-кизос и штоба минь улелеме тя пингть марнек аноклафокс тя важнейшай задаче пашкодемашты. Ингольденъ пингть, революцияда инголе, минь странасонек сьавоньдевьс (производили) сьорода 4-5 миллиардшка пуд кизоти. Сатнесь тя сьорось али аш—тя лия кизефкс. Сембе сьака, сембе лувондозь, што сатнесь сяс, мес эрь кизоня ускесть омба масторхненди 400 500 миллионшка пуд сьора. Тяфта ащесь тевсь инголи. Лия тевсь тани, минь советскай условиясонек. Мон ни корхтань, што тейнек эряви таникига аноклаамс прясньди, штоба маластонь сай пингть, колма-ниле кизода меле пачфтемс эрь кизонь сьоронь производить 7—8 миллиард пудс. Разничась, кода нийсась, аф йомла. То 4 али 5 миллиард пуд, а то 7—8 миллиард пуд сьора.

Коста тафтама разничась? Мезьса азондомс минь странасонек сьороти вещьфксть (потребность) ташкава оцюста касоманц?

Азончневти тя сянь мархта, што минь странанеке тани ни аф стама, кодама сон ульсь сире, революцияда ингольденъ пингть.

Ушедомс хоть ба сянь эзда, што мекольденъ кизотненъ эзда минь промышленностень-



кя и ошенька кассть по крайней мере кафксть сяда оцюста сире пингть коряс. Тани минь оштонок, ошненъ эса эряйдонок, промышленностьтонок и промышленностъ эса заняф рабочайдонок по крайней мере кафксть сяда лама ингольденъ пингть ваксста. Мезе тя значит? Тя значит, што лама миллиотт труженик сьавоме минь велеть эзда, йотафтоськ синь ошненъ эс, тиеськ рабочайкс и служащайкс, и синь тани марса илиды рабочайхненъ мархта мольфацызь инголи минь промышленностеньконь. Тя значит, што, кда лама миллиотт труженик, конат содонфтольхть инголи велеть мархта, синьцъ видьсесь сьора, то тани синь аф аныцек аф видьсихть сьора, а мекелангт, синьцъ нуждандайхть сянь колга, штоба теест ускельхть сьора велеста. А ошенька минь кармайхть касома и сьороти вещьфксь (потребность) кармай касондома.

Тя васеньце туфтальс сьороти потребность касомаса.

Сяда тов. Ингольденъ пингть минь технической культурада видьсеме сяда кржа, чем тани. Минь производим тани хлопкада кафксть сяда лама, чем инголи. Кда сьавомс иляназть, якстерь ряпсненъ и лия технической культуратненъ, то минь синь эздост видьсетыма, анок содаф, што сяда лама сире пингть ваксста. Мезе жа тьянь эзда лисеньди? А тьянь эзда лисеньди ся, што нят ломаттне, конат заняфт технической культурань производствать мархта, не могут сатомшка работамс сьоронь видеамаса. Стало быть, эряви кирьдемс сьоронь оцю запаст сят ломаттненди, конат видьсихть технической культурат, штоба инголь пили улель кода коль сяда пях и пях касфтомс технической культурань производствать, хлопкань, иляназонь, якстерь ряпсонь, шиньшармань и лия культурань производствать. А технической культурань производствась тейнек сави коль сяда пях и пях касфнемс, кда минь йоратама шашфтомс инголи минь тьожда промышленностеньконь и минь пищевой промышленностеньконь.

Вов теентть омбоце туфтальс сьороти потребность касомаса.

Сяда тов. Мон-ни корхтань, што сире пингть эзда минь странасонек сьавоньцъ (производили) 4-5 миллиард пуд сьора кизоти. Оцюазоронь министерхне обычна корхнест эста: „Миньцъ аф карматама топодемс ярхцама, а сьора омба мастору усксема карматама.“ Кит нят ломаттне, конат топодемс исть ярхцес? Конешна, аф оцюазоронь министерхне. Топодемс аф ярхцис ломаттне—нят 20

—30 миллиот велень ашу ломатть, конат, афкукс, топодемс исть ярхцес и эрясть палес вачеда сянь инкса, штоба оцюазоронь министерхненди улельхть возможностьть усксес сьороть омба мастору. Тяфта ульсь сире пингть эзда. Тани миньценок прокс лия мингсь. Советскай правительствась не может молдамс, штоба населениясь афоль ярхца топодемс. Вов-ни кафта—колма кизот кода миньцонек аш-ни ашуфт, аш безработица, топодемс аф ярхцамась юмась и минь кемоста шятяме зажиточностень кить лангс. Тинь кизефцасть, коза тусть 20-30 миллиот вача ашуфне? Синь сувасть колхозненди, кемоктавствъ (обосновались) тоза и сатфкс мархта строяхть эсь зажиточнай эряфснон эса.

А мезе тя значит? Тя значит, што тейнек тани эряви ламода сяда лама сьора трудяй сьоравидихненъ тьямс, сире минкть коряс, сяс мес исяконь ашуфненъ, а тани колхозникненъ, кемоктамок эсь пряснон колхозга, должен улеме сатомшка сьоросна сянь инкса, штоба строямс эсь зажиточнай эряфснон. Тинь содасасть, што синь сьоросна ули и кармай улеме нингя сядонга лама.

Тяфтама минь странасонек сьороти потребность пях оцюста касоманцты колмоце туфтальс.

Сяда тов. Миньцонек тани сембе корхтайхть, што трудяйхненъ материальной положениясна ламода цебарьгодсь, што эрямс арась сяда цебарь, сяда весяла. Тя конешна, виде. Но тя вяти сяньди, што населениясь, сире пинкть коряс, кармась раштама сядавишкста. Кулыда тани сяда кржа, шачида сядалама и чистой приростта лисеньди несравнениасяда лама. Тя, канешна, пара и минь тьянь шнак шнесаськ. (Залса веселай оживление). Тани миньцонек эрь кизоня населениять чистой приростоц лисеньди колмошка миллиотт душ. Тя значит, што эрь кизоня минь получахшнетяма касома (приращение) целай Финляндие. (Марстонь рахама). Ну, а тя вяти сяньди, што сашендови тьямс коль сяда лама и лама ломатть.

Вов теентть сьороти потребность касоманцты нингя фкя туфтальс.

Мекпяли, нингя фкя туфтальс. Мон корхтань ломаттненъ колга и синь сьороти потребность касоманц колга. Но ломаттненъ продовольствиясна аф лоткафневи аныцек сьакмонза кшить лангс. Теест эряви нингя сиволь, жирхт. Ошненъ касомасна, технической культуратненъ касомасна, народонаселениять общей касомац, зажиточнай эряфсь—сембе тя вяти сивольти, жирхненди потребность касоманцты. Эряви, стало быть, кирьдемс ламладяф, оцю лувкс мархта животноводства, мелкай и крупной жуватат, сянь инкса, штоба улель возможность пашкодемс населениять сиволень продуктатненди касы потребностени. Тя сембе шарьхкодеви. Но жуватань водямать касомац аш кода сатомс жуватати лама сьоронь запасонь апака аноклак. Аныцек касы и келепневи зерновой хозяйствась может тиес условия, конат эрявихть жувантань водямать касфтоманцты.

Вов теентть минь странасонек сьороти потребность колоссальнайста касоманцты нингя фкя туфтальс.

Тяфтап, ялгат, туфтальхне, конат корянек полафтозь минь странанеконь шаманц и путнихть минь ингольнок неотложнай задача—маластонь сай пингть эзда сьавоньдемс эрь кизоня минь паксянеконь ланкста 7-8 миллиард пуд сьора.

Пашкодеви ли тейнек тя задачась?

Да, пашкодеви. Тьянь эса аш кодамовок сомнение.

(Пек 2-е лопаширеса)



# СТАЛИН ялгат РЕЧЕЦ

инголи моли комбайнерхненъ и комбайнеркатненъ совещаниясост

Мезе эряви сянъ инкса, штоба пшкodemc тѣ задачатъ?

Тянь инкса эряви, васендакигя, штоба земледелиять эса хозяйстванъ господствующай формакс улеуль миньцонок аф мелкай, а крупнай хозяйствасъ. Мес именна крупнай? Сяс. што аныцек крупнай хозяйствасъ способнай тонадомс (освоить) тяниенъ пингонъ техникать, аныцек крупнай хозяйствасъ способнай использовандамс сатомшкаста тяниенъ пингонъ агротехнической знаниятненъ, аныцек крупнай хозяйствасъ способнай нолѣамс теас кода эряви удобрениятненъ. Капиталистической странатненъ эса, коса земледелиять эса господствующай формакс лувондови единоличнай мелкай хозяйствасъ, крупнай хозяйстват пуропневихтъ афоцъа группанъ земельладеценъ козякадоматъ и лама сьора видиенъ розаряматъ вельде. Тоса обычна розарякшневи крестьятненъ модасна йотнихтъ козяземлевладеценъ кядъ алодъ, а синьцъ крестьятненъ, штоба аф куломс вачеда, сиводькшихтъ нят землевладеценди. Минь тя китъ лувонцасъ аф видекус и разорительнайкс. Сон тейнекс аф эряви (неприемлем). Минь араме, тянь коряс лия киланкс земледелияса крупнай хозяйстванъ пуроптома киланкс. Минь араме мелко-крестьянской хозяйстватненъ ою коллективной хозяйствас пуроптоманъ китъ ланкс, кона модатъ урядакшнесы марстонъ трудса и польовандакшни крупнай хозяйстватъ сембе бланзон и возмозностензон мархта. Тя самай колхозненъ к и с н а. Аши ли тейнекс тяни крупнай хозяйстванъ колхознай формакс господствующай формакс минь земледелияснок. Да, аши. Колхозненъ эса тяни минь сембе крестьянстванеконъ 90-чка процентош. Стало быть, земледелияса крупнай хозяйствасъ-колхознай хозяйствасъ, кода господствующай форма, — миньцонок ули ни (налицо).

Тянь инкса эряви, омба ширьде, штоба колхозненъ, минь крупнай хозяйстванеконъ улеуль сатомшка цебаръ модасна. Улихтъ ли минь колхознеконъ тяфтама модасна? Да, улихтъ. Тянь содасастъ, што сембе оязоронъ, помещиконъ и кулацкай модатъне максфт ни колхозненъди. Тянь содасастъ, што нят модатъне ни кемокстафт колхозненъ мелгя на вечна. Стало быть, колхозненъ улихтъ сатомшка цебаръ модасна сянъди, штоба оюста келептесъ сьоронъ производстватъ.

Тянь инкса эряви, колмоце ширьде, штоба колхозненъ улеуль сатомшка техникасна, тракторсна, веленъ хозяйстванъ машинасна, комбайнасна. Тяньцъ шарьхкодъсастъ, што ська-

монза аныцек ручнай трудъ лангса ичкози аф туят. Стало быть, эряви козя техника сянъ инкса, штоба улеуль кода колхозненъди вишькоптесъ сьоронъ производствасъ. Ули ли колхозненъ тяфтама техникасна? Да, ули. И ков сьада тов, тов сьада лама кармай улеме синь тяфтама техникадоцъ.

Тянь инкса эряви, мекпяли, штоба колхозненъ улеуль ломаньцна, кадрасна, конат маштыхтъ техникать мархта обрашандакшнема, конат тонадозъ тя техникать и тонадъ сьонъ ластамонза. Улихтъ ли колхозненъ тяфтама ломаньцна, тяфтама кадрасна? Да, улихтъ. Виде, нинге, кржа, но всежа синь улихтъ. Тя совещаниясъ, косот инъ цебаръ комбайнерхне и комбайнеркатне и конат няхни аныцек аф ою пилькс сят комбайнерхненъ и комбайнеркатненъ армияс-нон эзда, конат улихтъ колхозненъ эзга, — тя совещаниясъ арси доказательствакс сянъди, што тяфтама квадрат шачстъ ни колхозненъ эзга. Виде, синь эздост, нят квадратненъ эзда, сембе нинге кржа, и тянь эса, ялгат, главнай минь загвоздканьке. Но аш основаният сомневандамс сянъ эса, што нят квадратненъ лувкссна минь странасонск кармай касома аф кизоса, и аф и ковса, а шиса и частса.

Лисенди, тяфта, што минь улихтъ сембе условияньке, конат эрвихтъ сянъди, штоба сатомс инъ маластонъ сай пингтъ 7-8 миллиард пуд сьора эрь кизоня.

Вов мес мон арьсян, што аф калондови задачасъ, конанц колга мон корхтанъ сьада вьаре, безусловна пшкodemcмашка.

Главнайсъ тяни сянъ эса, штоба шарфтомс мяль квадратненъ лангс, тонафтомс, квадрат, лездомс фталу лиядыхненъди техникать тонадомаса, эрь шиня касфнемс ломатъ, конат способнайхтъ тонадомс техникать и нолдамс сьонъ инголи, Тянь эса тяни главнайсъ, ялгат.

Башка мяль эряви шарфтомс комбайнатненъ и комбайнерхненъ лангс. Тянь содасастъ, што сембодѣ ответственной теусъ зерновой хозяйствасъ—сьоронъ урядамасъ. Сьоронъ урядамасъ—теусъ сезоннай и сон аф кельгсы учендоматъ. Урядайтъ эсь пингстонза—добувать (выиграл), поздайтъ урядамаса—юмаф-тотъ (проиграл). Комбайнатъ значенияц аши сянъ эса, што сон лезни урядцемс сьоротъ эсь пингстонза. Тя пак ою и с'ерьезнай теу, ялгат.

Но комбайнатъ значенияц аныцек тянь мархта аф азонкшневи. Сонъ значенияц аши нинге сянъ эса, што сон арелякшнесамазъ минь вельф лама зернанъ юмафтоматъ эзда.

Тяньцъ содасастъ, што лобогрейкаса сьоронъ урядамасъ юмафни вельф лама зерна. Васенда лядъ, сьада меле сотк пулфокс, тоса марак скирьдъс, и мекпяли усксемс сьоротъ молотилкатненъди,—сембе тя юмафтомат и юмафтомат. Сембе видецайтъ, што урядаманъ тяфтама системаса минь юмафнетяма урожайтъ эзда 20-25-шка процентт. Комбайнатъ вельф ою значенияц аши сянъ эса, што сон ламода кирьфнесы тя юмафтоматъ. Тевонъ содайхне корхтайхтъ, што лобогрейкаса сьоронъ урядамасъ, лия равнай условиятненъ пиньгсга, максси сьорода гектарти 10 пудта сьада кржа, комбайнаса урядаматъ коряс. Кда сьавомс сьора видефонъ 100 миллиотт гектархненъ,—а синь эздост, кода содави, минь ламода сьада лама,—то лобогрейкаса урядамста минь юмафттама—миллиард пудт сьора. Тяряфтосъ тяни нят 100 миллиотт гектархненъ лангса урядаматъ организовандамс комбайнаса, сьака пингтъ эряви мяляфтомс, што комбайнцъ работай аф кальдявста,—и тянь получатада лишнайда целай миллиард пудт сьора. Цыфрасъ, кода нийсастъ, аф йомла.

Вов конашкава ою значенияц комбайнатъ и ломаттненъ, конат работайхтъ комбайнатъ лангса.

Вов мес мон арьсян, што земледелиянь хозяйствати комбайнатъ сувафтомац и вельф лама кадранъ комбайнеронъ и комбайнерканъ касфтомасъ арси/первостепеннай зада-чакс.

Вов мес, валозень аделсемок, мон йоранъ ба азомс мялезень, штоба минь комбайнернеконъ и комбайнерканеконъ лувкссна касоль аф шиса, а частса, штоба синь комбайнанъ техникать тонадчнеманц мархта и тя теути эсь ялгаснон тонафнемаснон мархта, аральхтъ, наконец, минь странаньконъ веленъ хозяйствасонза действительнай победы, телькс.

(Вишькста, ламос кядень цяпамат, конат йотнихтъ 'оацияс, кайги „ура“, вастста ювадькшнемат: „Шумбра улеса кельгома Сталинцы!“).

Нинге кафта валхт, ялгат. Минь тьса президиумса салаване корхнема и муськ, што эривольхтъ тя совещаниянь участникне каземс цебаръ работанкса—высшай наградаса, ордена. Минь тя теути арсетяма йотафтомс, ялгат, инъ маластонъ шитьненъ эзда.

(Вишьке, ламос кядень цяпамат, ювадькшнемат „ура“, ювадькшнемат „спасибо Сталин ялгати!“).

## Аф ИЛЯДКШНЯН АЛЯТНЕНЪ ЭЗДА

Ялгат, Сталинградскй крайтъ лемста мон азондан Сталин ялгати седи ваксонъ паравал. (Кядень цяпамат).

Мон йоран, ялгат, азондомс, кода мон работанъ. Кивок изъ арьсекшне, што тяфтама стирьнясь работави (справится) тяфтама машинатъ мархта. Инголе минь кивок ашемазъ нолне работамъ тяфтама гигантской машинатненъ лангса, тяни вождьтъ Сталин ялгати руководстванц ала миньдейнекс максстъ возмозность работамс ня машинатненъ ланкса. (Кядень цяпамат).

Мон азондан эсь работазень колга. Мон тунъ работамъ совхозу 1930-це кизоня, тонафниенъ 10 шит работамъ машинаса и монъ озафтомазъ работамъ „СІЗ-тъ“ лангс. Монъ лангсон рахсастъ, што мон дине сашендовсь заводямс машинанъ шарьтъ ланкста, сьормадикишнестъ стениной газетаса, што мон заводякшнеса машинатъ шарьтъ ланкста. Тянь ланкс мон кодамовок мяль ашень шарфне и йоранъ панжемс эстине ки. Мязрда мон сьавонъ тяфтама вий, эста лотканъ илядкшнемда алятненъ эзда. Васень пиньгтъ монъдине сашендовсь работамс трактористтъ руководстванц ала, мон теенза полчиньдакшненъ. Работамок кизонъ кувалма, монъ аф весеть казенъде-

А С Чернова ялгатъ валозъ (Хоперской зерносовхозса комбайнер, Сталинградскй крайста)

мазъ. А кда кармасть казенъдемон, монъ кармасть улема сьада лама энтузиазмадон, и мон сьавине первенстватъ. Совхозса сембе пиньгень работамстон ашель флявок киза, штоба монъ афолемазъ казъ и штоба мон афолень ульакстеръ доскаса (Кядень цяпамат).

Сталинцъ. Тяни тонъ ланксот аф рахсихтъ?

Черновасъ. Тяни корхтайхтъ: вов сон хвалендакшнема йорай, штоба минь улеме отсталайтъ, сон йорай улемс васеньцекус. А кда тейне тиеньдихтъ пуошреният, мон йоран улемс васеньцекус. Тяни мон аф содаса, кода мон теест карман азонкшеме, што мон улень Москуса. Сай кизоньди мон сьавонъ эсь лангзон обязательства, урядамс 600 гектар и обязательно уленьдемс Москуса. (Кядень цяпамат).

Черновс. Правильно.

Черновасъ. Тядненъ кизотъ мон работанъ 1-це № „Сталинецъ“ ланкса, коса кафта агрегатт. Мон ашан агрегатса начальникокс. Омбоце агрегатса ульс фталу

и л я д о м а, а монъ агрегатсон фталу ильдомада ульс сьада кржа. Монъ кирьнеманъ омбоце комбайнась. Молада минь совхозсонъ урядакшневи кржа, эрь комбайнати сави 250 гектархт.

Сталинцъ. Колхозу кучседе комбайнатъ?

Черновасъ. Кда ба кучелеме колхозу, минь ба сьада лама тиелеме. Но минь руководстваньке аф эинтересованнай, штоба комбайнатне сьада лама работайхтъ. Мон аделаине комбайнаса работамазень, монъ йотафтомазъ трактортъ лангс, сяс мес трактаристоньке минь аш.

Мон работанъ гусеничной тракторса и йоран, штоба стирьнятне тяфта работайхтъ, кода мон рабатан гусеничной тракторса. (Кядень цяпамат).

Шумбрат улестъ минь партийнь и правительстванъ руководителеньке и синь главасна—Сталин „ялгасы! (Кядень цяпамат).

Мон, йоран азомс, што стирьнятненъди максстъ возмозность улемс комсомолонъ членкс, инголь пили минь кармаата улеме тяфтама жа партийнай ломанькс, кода нят, конат тьса озадот.

Мон арьсян, што минь, стахановшне, аф аныцек должеттама наш томс работамъ комбайнаса и тракторса, но и улемс аномокс страна-

## Комсомолець—Горюновъ героической поступкац

Балитайской районъ (Саратовской край) Сосновской колхозтъ тингсонза тиевсь пожар,—крвьязстъ шуярень капатъне. Урядаф аф ою площадканя лангса толса кружафста ашестъ колхознай трактор и молотилка, мезьденъа аф пелезъ комотъсь толтъ пачк комсомолець трактористъ Ваня Горюновс. Сон этпесъ трактортъ малас. Аф ваномок сянъ лангс, што сон лангсонза палыхтъ адежанза, сон заводязе трактортъ, повфтазе пулозонза молотилкатъ, озась рульти и нолдазень машинатненъ толтъ пачк.

Тракторс и молотилкась ульс ареляфт.

Тяни пидеф шамац и кяденза пчькястъ ни, и Горюновс меки работай эсь, толста лифтьф тракторонц лангса.

МТС-нь дирекциясь ашезе мумезьса каземс сонъ героической поступканц инкса и аныцек лоткась сянъ лангс, што макссъ спецовка сонъ толса палф спецовканц вастс.

неконъ арелямонза. Мярьгода люпштамс тянь кяденьтненъ. (Кядень цяпамат ювадькшихтъ „ура“! Люпшнесыне презми шумонъ члентненъ кядьснон).



## КУЛХЦОНЧНЕМС СТИРЬНЯТНЕНЬ ВАЙГЯЛЬСНОНДЫ

Деминась

## Аф юкснемс од аватнень

Мон работань учительницас. Тя работати кучемань комсомолсь. Эсь школосон рабатада башка мольф-тян оцю работа сембода пяк од аватнень йоткса. Сембонди садаф, што лама 20—24 кизоса од аватнень улихть ильсна, и эздост лангсь йофсикс ковга аф якайхть, аф стирьнян пуромксу, аф морафтома куду, вообще ковга аф якайхть. Эздост кой конатненьди аш кода тумс, сяс мес ильсна аш кинь мархта кадомс, а кой конатнень мирьдсна аф полнесазь Работамок велеса мон эрь шиня корхиян, сембода пяк од аватнень мархта, конатнень мирьдсна ковга аф полнесазь.

Аф кржа од авада, конат корхияхть, што „мон кода лисень уриваск вестевок ашелень морафтома кудса, кино-са“ (2—3 кизот). Эздост лангсь улихть мяльсна работамс общественной работаса, но тевсь сембе сянь эса, што сонь ули „мирьдс“ аш кода. Нят од аватнень йоткса эрйви инь куроконь пингста ушедомс работать.

Комсомольской организациятнень ди, рянок од аватнень йоткса рабатань мольфтемать мархта, эрйви инь оцю мяль шарфнемс, штоба и нят од аватнень мирьдснон йотксавок работамс. Эрйви корхнемс, мартоост, што тани аф сире пингсь, што уривацень общественной работас, кинос, аф полнемац — тя значит издевадондакшнемс ломанть лангса.

А сят мирьдтнень, конат пиксесазь уриваснон и ст. тов. тяфтама лошлякнень эрйвихть судендамс.

Бычковась

## МАШФТОМС ХУЛИГАНСТВАТЬ

Минь велесонок ули морафтома куд, но эсонза кодамовок работа аф мольфневи. Вов таса стирьнян корхнень, што синь велесост аш ков модемс илять и аш кода цебарьста йотафтомс ваймама пингть, а вав минь Од. Выселка велеса модемс ули коза, но сембе сяка стирьняне илять ковга аф якайхть, сяс мес лама хулиганства ла. Кда молят морафтома куду, тоса цьоратне сюсьсихть аф цебарьвалса, а морафтома куду сувамста пуромихть кемоньшка цьора и ряфцихть стирьнятнень эса. Морафтома кудса скучна, кодамовок работа аф мольфтихть, цьоратне тоза якасихть аныцек хулигандакшнемс. Цебарь книгант аф морафнихть, да вообще йофсикс аф йотафнихть кайгиста книгань и газетань морафнемат.

Тяфтама тейфень колга ламоксть минь корхнемс вельсоветонь председателти, колхозонь председателти, но синь аныцек пеедькшихть лангсонок, а хулиганствать машфтоманц колга мерат аф примосихть.

Ули комсомольской организация, но комсомолецне кодамовок работа аф мольфтихть, кой-кона комсомолецне синь хулигандакшихть. Вов комсомолецнень тяфтама работаснон сюнеда кржа комсомолка стирьняда. А мон — содаса, кда цебарьстаба работалхть комсомолецне, то колхозонь лама стирьнятне сувалхтьба комсомолу.

Сандинась

## ОЦЮ МЯЛЕЗЕ АРАМС ТРАКТОРИСТКАКС

Мон вясендакиге азондса, кода мон работань колхозса. Колхозоньке минь цебарь, тятднь кизоня ладяф пингта инголи аделазень сембе вельхоз работатнень. Тани, мон шарьхкодине, што колхозть рабатань цебарьгофтомась и сонь кемокстамац ащи вясендакиге минь минь цень колхозникнень, колхозницатнень эзда.

Йотай кизоня мон работань рядовой колхозницас, но робатань цебарьста, колхозонь правлениясь цебарь рабатанкса кафксть казень демань. Тятднь кизоня колхозонь правлениясь путомань звеньеводаккс, тядя меле нинге сядонга цебарьста кармань рабатама. Тятднь кизоня тиень 300-шка трудшит. Лу-вондови нинь цебарь ударницас. Нят сатфкснень лангс мон аф лоткан, а карман рабатама нинге сядонга цебарьста. Минь семьяньке

эстоньберя, кодак суvasь колхозу эрйй цебарьста, сембе весялатама. Эрйф ь тусь лиякс. Лама сьораньке, кажнайть улихть щамонза и ст. тов.

Но хоть и цебарьста рабатай колхозоньке, эсонза инь оцю аф сатфксонкс эрйви лувомс сянь, што аф заботендаихть минь тонафнеманьконь инкса. Колхозсонок улихть афграмотнай стирьнят, а рабатас коря синь ячихть ударницас. Мон арьсян, што кда цебарьста стирьнясь рабатай колхозса, эрйви касфтомс сонь содама шинь.

Моньцен пяк оцю мялезе арамс трактористкакс, и мон думандан, што тя цельть сатса. Тятднь тялоть карман якама школав, штоба касфтомс содама шизень. А тяньди возмозжене улихть, сяс мес тялонда рабатада аф лама.



Ноябрь 10-це шистонза Кремляса партиянь и правительствань руководителхне примазь сөөкловичнай паксянь колхозницатнень — ударницатнень.

СНИМКАСА: Сталин, Каганович, Ворошилов, Микоян ялгатне колхозницатнень — ударницатнень группава, сикь йотксост: Мария Демченко, Марина Гнатенко и лият.

Чадайкинась

## ТЕЙНЕК ЭРЯВИ ТОНАФНЕМС

Мон аф карман лама корхнемс эсь колган, сяс мес тячиень стирьнян и одавань конференцияв пуромсть сембе районцтонок инь инголе ащи ударница стирьнятне. Мон станяжа ударница кода и тинь. (Кядень пяпамат).

Колхозса работань сембе пингста, паксянь работаса, улень звеньеводккс, звеназе работась колхозса сембе звенатнень коряс сяда цебарьста, а сембода пяк минь цебарьгофтоськ работаньконь кацествать коряс.

Тани мон йоран азондомс кода мон якань делегатокс ударник-колхозникнень краевой омбоце с'езду. Тя с'ездса мон ламоньди тонадонь, с'ездса лама улсь стирьняда и од авада. Кой конат эздост савоньцть валхт и азондкшнень кода синь работайхть. Эрйви видеста азомс, сят стирьнятне и од аватне работайхть корязонок нинге сядонга цебарьста, тяфта и тейнек эрйви нинге сядонга цебарьста работамс.

Модемс Куйбышев ошу, мон эсь прязень марйине вельф павазу лиянькс, автомобильса арнефтемаз, макссть тейнек цебарь эряма васта, потма ширьде цебарь-

ста урядф, панчфт и ст. тов. Вов, стирьнят, эрямок тоса и арьсян вдь тейнеконьга ули кода цебарьста урядамс эсь кудоньконь, штоба улелхть, кудса панчфт, чистота ист. тов.

Вов таса ащихнень эзда ламоц работайхть колхознень эзга цебарьста, да и монь вов ламоксть казьян колхозть ширьде цебарь рабатанкса. Но минь мархтонок рабобайхть нинге пяк калдывста. Лзса эсь колган, кда сай илядсь аш ков модемс, аш кино, мезевок аш велесонок. Тядя башка, мон йофсикс калдывста грамотная, а тонафнемс аш коса. Кда йофсикс аф грамотная кучтядзь ликпункту, а ликпункть аделамода меле тонафнемс аш коса. Лисеньди станя, што коть тага архт ликпункту. Минь велесонок комсомольской организация аш. Стирьнятнень йоткса кодамовок работа аф мольфневи. Комсомолонь райкомти тя тевть шири эрйви шарфтомс мяль инь куроконь пингста. Работамок цебарьста колхозса, тейнек эрйви тонафнемс. Касфнемс содама шинь-

Об'едковась, Пинясовась

## Анатама мокшень кяльса книгат, расскаст, морхт

Арамс Советской школыа учительницас-тя пяк почетнай тев. Но эрйви содамс, штоба сатомс тя почетнай рабобать, эрйви цебарьста тонафнемс. Вов тани колга минь теентть азондаскь.

Лама стирьнят корхтась, што синь сатсть оцю сатфкст колхозса рабатамост, цебарь работаснон вельде арасть почетнай ломанькс — ударницас. Партиять и лична Сталин ялгат эрь шинь заботасна, тиезь минь эрйфоньконь цебарькс, павазукс. Вов танкса эрь трудяй стирьнят и од ават фкя мяльсна, — работамс нинге сядонга цебарьста, коламоба рабатаса афолеть работа. Трудсь минь родинасонок эрь трудяйга арась почетнай тевке, Стирьнятнень и од аватнень эзда тани ни лама героинят.

Тонафнемс техникумса, минь станяжа старандатама сянь инкса, штаба улемс тя фронтса ударницас. Минь аш фкявок аф удовлетворительнай оценканьке. Тонафнетяма цебарьста, но сяда тов ара тама отличнишаскь.

Тядя башка лоткатама тяфтама кифефкс лангса: Стирьнятнень пяк оцю мяльсна сяньди, штоба тонадомс мокшень од морнят. Но тяфтама морда пяк кржа, а сяс мес аш од морхт, велеса морсикть кати мзярдонь сире морхт. Тя тевть шири эрйви шарфтомс оцю мяль. Тяфта-жа пяк кржа мокшень цебарь книгада, рассказда. Кда и улихть, то эздост пяк ламось аф интереснайхть. Эрйви учемс, што нят кифефкснень шири шарфтыхть мяль. Цебарьста рабататома меле, касонды эрь стирьнят мелец цебарьста ваймамс, сяда интереснайста йотафтомс ваймама пингсь.

## Лотнафтомс стирьнятнень лангса издевательствать

Зубу. ВЛКСМ нь ЦК-сь эсь решениязон эса шарфни оцю мяль стирьнятнень йоткса работамать лангс. Но тани ашмезе шарьхкоде Журавкинань комсомольской организации, и сонь башка комсомолсонза.

Мзярда стирьнятне молихть ульцяв или клубу, эста комсомолецне и аф союзнай од ломатне кармахть издевадандакшнемс стирьнятнень лангса.

Кепотьксеньди: Купцов Петрсь „комсомолец“, кизонь перьф пиксезень Карасева и Тишкина ялгатнень, синь нльне лоткесть клубу якамдонга жалбама да стирьнятне пелихть, и аф содасазь коза модемс жалбама Купцовсь гразси синь эсост, но первичнай комсомольской организации сянь лангс кодамовок мяль изь шарфне, и тя пингс Купцовть мархта кодамовок мерат атак примакт.

Комсомольской организацияти Купцовть мархта эрйвихть примамс мерат.

И. Ф.



## СТИРЬНЯТНЕ ВЕШИХТЬ:

Тяни мон арань  
почетнайксЮдочева Настя Ново Зубарева  
велеста

Монь, ялгат, мялезе корхтамс стирнятьнен и од аватьнен выд-вижениясн колга. Кепотыксонди савса эсь прязень. Кафта кизода инголи мон улень рядовой колхозникакс. Работакшнен аф кальдывста и лувондовон инь цебарь ударникакс. И вов колхозонь председателеня монь терьдемань и корхтай:

— Кулхцонт, Настя, минь тонь йоратана пуромс трудошинь лувикс (учетчикакс).

Вилеста азомс пелень васенда, ялгат, думандань, што аф вятевитесь. И вов кармань работам учеткиокс. Аф фкя колхозник рахсесь монь лангсон, и нльне рахсесь эсь стирь ялгане.

Виде, што васенда ульсь стака, тоса, кда тонадыне тевть, то кармань улема сембода цебарь учеткикс минь колхозсонок, работамань пачк мон тонафнен и кармань содама аф аныцек учеткионь тевть, но и счетоводнай тевть.

Кизода меле сувань комсомолу, коса кармань тонафнема политикаса. Аф ламода меле колхозонь правлениясь монь учеткиста пуромань счетоводокс. И востяни курок топоди киза, кода мон, ингольдень рядовой колхозникась, работан колхозонь счетоводокс. Тяни уш живок лангсон аф рахси, сяс мес тевозень содаса цебарьста.

Минь комсомольской организацияньке монь кочкамань комсоргокс. Кода нйасась ялгат мон работан и счетоводокс и комсоргокс, конешна, содама шидон нингя кржа, но мон тонафнян.

Тяса, ялгат, эсь колган мон корхтан сяс, мес минь йотксонок лама стирняда и од авада, конатнен ули кода кепсем руководящай работас. Эряви аныцек тейнек лезкс, штоба васенда няфтемс виде кить, а тоса сон соньць кармай тонафнема.

Сяс монь мялезе тяса азомс, штоба стирнятьнен и од аватьнен йоткса пуроптомс талонь пингоне учеткионь и счетоводонь курст.

Эряви пуроптомс стирнянь тракторнай  
бригада

Конференциянь делегатхат Олина ялгат выступлениц

— Лама, ялгат, йотасть пингта, — корхтай Олина ялгась, — кода комсомольской организациятне корнихть стирнятьнен и од аватьнен йоткса работат колга, но тийфта, азомс видестя, кржа. Мян тачиен шис йотфикс кржа минь районцонок видвинутай стирняда и од авада.

Вов монь мялезе корхтамс фкя кизефксонь колга — та стирнятьнен и од аватьнен трактористкакс тонафнемасн колга. Минь районцонок мянь та пингс аш фкявок стирне и од ава трактористка и кода няеви тачиньгя МТС-сь мезевок аф тиеньди сян колга, штоба минь эздонок анокламс трактористкат.

Монь мялсон та кизоне МТС-ти эряви талонда пуроптомс трактористонь курсс сяда лама стирняда и од авада.

Вайгяль — Сай кизоти эряви анокламс башка стирнянь и од авань тракторнай бригада.

Олинась. Виде, ялгат, а мон васендакигя молян тракторнай курсс.

Минь районцонок нинге лама ломатть тяфтап, конат думандайтть, што стирнятьнен и аватьнен аф способнайтть трактор лангса работамати. Тя аф виде. Мон, ялгат, улень кучф краевой колхозниконь омбоце с'ездти делегаткакс. И вов тоса мархтон ульсь делегаткакс трактористка, кодац ульсь инь цебарь ударница. И вов сон теень азондозе, што трактористкакс работамс йоткси аф трудна, аныцек эряви цебарьняста содамс тракторсь. И содасасть, ялгат, сон мзяра та кизода получандай? — 60 пуд сьора и 700 цалковой ярмак.

А ништа тейнек аш кода улемс тяфтама трактористкакс, да кода ся стирнясь ударникакс. Ся стирнять виец тяфтама-жа кодама и миньгя.

Сяс мон энялдань, штоба та кизода минь машинно-тракторнай станциясонок обязательно тракторонь курсс пуроптолтть сяда лама стирняда и од авада, штоба сай тундаты сокама лисель стирнянь тракторнай бригада.

А мон улян всенце трактористкакс.

## Монь мялезе тонафнемс

Налинина ялгась „Выдвижение“ колхозста

Монь, ялгат, мялезе корхтамс общеобразовательнай тонафнемат колга.

Сяда меле, кода лифтьф ВЛКСМ-нь ЦК-ть путфксон стирнятьнен и од аватьнен йоткса работат колга, газетса и комсомольской пуромксса лама корхнихть стирнятьнен и од аватьнен йоткса работат колга, но минь тачинь шис нят корхнематне лядондыхть аныцек корхтафксоньди, а тевса тиеньдеви нингя кржа.

Тя сембонди содаф, што стирнятьнен и од аватьнен сьормас содамат ширьде лядфт фталу, што васендакиге эряви кеподемс синь общеобразовательнай содама шисчон. Но аф ваномок тянь лангс велень комсомольской организациятне тянь колга тиеньдикть пяк кржа.

Тяса ни азса видестя, мон урьвакс тумодон инголя тонафнен рабфакса, а кда сань коникулу, то максомазь урьвакс. И тяни мезевок аф тонафнян, а тонафнемс ули оцю мялезе.

И тяфтама мялсь аф аныцек монь, а мон думандан, пцтай сембе стирнятьнен и од аватьнен. Но тя тевть эса тейнек комсомольской организациятне лездыхть кржа.

Сяс монь койсон тачи минь решениясонок эряви сьормадомс, штоба комсомольской организациятне велеса стирнятьнен и од аватьнен йоткса пуроптолтть общеобразовательнай кружокти аныцек эста кармай улема кода стирнятьнен и од аватьнен эзда ламоснон путнемс руководящай работас.

Вельхозяйствань  
стахановецсь

Буткеевсь работай комбайнеркс Саранскаень мясосовхозса. Сон тоса кармась работам 1932 кизоня. Васенда работась заправщикокс тракторнай паркса. Тяда мела сон кармась работам трактористокс.

Трактористокс работась аф кальдывста. Тя работада меле Буткеевть кучезь камба^неронь курсс. Курснен эса тонафнесь фкя яле мархта кофт. Курснен аделамокс сон кармась работам комбайнеркс. Стака теенза ульсь работамс комбайнаса, сяс мес сон цебарь ашезе содсе комбайнат, кода няеви тонафнесь афлама пиньге.

Буткеевсь путсь ингеленза задача, штоба цебарьста тонадомс комбайнат, курукста сон эсь мялени сатозе. Комбайнайна^ кармась содамонза, кода вете суронзон.

Тятдень кизоть теенза нормась ульсь максф урядамс 160 гектархт, сон тя нормат пашкодезе вельф 25 шинь кувалма работамонза, урядась 230 гектархт, и тьялсь 546 центнерхт сьора.

Станя жа кассь сонь зарплатак, 32 шинь кувалма работаманкс получась 831 ц.

Буткеев ялгась ламоксть ульсь казф цебарьста работаманкса.

Комбайнерхненди эряви сясомс кепотыкс Буткеевть эзда.

Булдыгань комсомоль-  
ской организациясь  
срадома ланкса

Зубу. Булдыгань первичнай комсомольской организациясь лувондови аныцек кагод ланкса, а тевса пцтай мезевок аф тиеньдеви. Молма кофт, кода аф пуропневихть комсомольской пуромкст, работань вятема план, кодамовок аш. Комсоргс Семинц политзанятиятненди аф яккай, а кда яккай, то пяк шураста. Комсоргть ланкс ваномок, занятияс аф яккайтть иляды комсомолешневок. Культурно-воспитательнай работа, кодамовок аф вятевти.

Зубунь ВЛКСМ-нь райкомти эряви варжактомс Булдыгань комсомольской организацият ланкс.

Мес пеняндайтть  
стирнятьне

Комсоргс Татымовсь (Колапа велеса Слободань районца) аф весть комсомолонь райкомса корхнесь, што синь велесост стирнятьнен и од аватьнен йоткса работа вятемс аш кда, сяс мес мохшень стирнятьнен и од аватьнен аф кельгсать культурнай работат, што синь пелихть рехсемода сяс синь кодамовок культурно-массовой мероприятияса аф примсхить участия.

Комсомольской организациясь мянь тнярс Колапа велень стирнятьнен и од аватьнен йоткса ВЛКСМ-нь ЦК-ть путфксонц — стирнятьнен и од аватьнен йоткса работат колга ашезе кочсе, та путфксть нльня аф содасазь синць комсомолешне. Комсомольской организациясь нльня вестенгя ашезь думанда пуроптомс стирнятьнен, ашезь думанда корхнемс стирнятьнен мархта синь аф сатыкснон и синь вешьфкснон колга. Нльня сонць комсоргс Татымовсь аф содасыне нят стирнятьнен и од аватьнен, конат колхозонь паксая ударнайста работаманкса аф весть ульсь казф.

Колхозса лама сьормас аф содай и кржа содай стирняда и од авада. Сембе саяк комсомольской организациясь ликбезонь пуроптомат колга мезевок аф тиеньди и нльня сонць комсоргс Татымовсь корхтай, што ликбезонь пуроптомас-тя тевсь аф сонь.

Еремкина ялгась корхтай:

— Вов мон йотфикс аф грамотнаян, но тонафнемс аш коса.

Тяфта корхни аф аныцек Еремкинась, а лама кемотть стирнятьнен и од ават.

Колапань стирнятьнен и од аватьнен пяк кемоста пеняндайтть комсомольской организацият лангс, клубть работан лангс. Клубонь заведующайсь сонць комсоргс Татымовсь, и клубсь эрь шине эрьси пякстафста, а кда паньжада, то эсонза мезевок аф тиеньдеви, сконят аш, аф ушневи, кодамовок массовой работа аф вятевти. Стирнятьнен йоткса коламовок кружок алак пуропт. И вов тачи васендакиге стирнятьнен и од аватьнен пуромсть эсь собраниязост, штоба кулхцондомс комсоргть докладонц ВЛКСМ-нь ЦК-ть решениянц пашкодемани колга. Татымовти пуромксса азомс ашель мезе, сяс мес сон мезевок тянь колга ашезь тий.

Видет валонза Еремшкина Татыанат, кодац корхтай:

— Минь комсомолешнеке пяк вярй кепсесазь пряснон и стирнятьнен мархта нльня аф корхнихть и эсь пряснон лувсазь кодама бди „начальниккокс“.

Обвиненият, конань Ермашкинась лифнесь комсомольской организацияти видя. Сян васц, штоба стирнятьненди и од аватьненди лездомс синь тонафнемасост, тюдемс цюратьнен ширьде синь лангозост хамскай отношеният каршес, кепсемс стирнятьнень руководящай работас, синь эсь пряснон лувсазь начальниккокс и стирнятьнен мархта работамат лувсазь низкайкс.

Сяс стирнятьнен и од аватьнен собранияса путфксост сьормадсть:

„Куруконе паньжемс ликбезонь кружокт, оборудовандамс клубть и эсонза сяда сиденяста тиеньдемс художественнай постановкат, докладт, и лекцият. Стирнятьнен йоткса туроптомс драмкружок, музыкальнай кружок и лия

кружокт. Эрь ковме пуропнемс стирнянь и од авань пуромкст, конатнен эса кочксемс позитивческой, научнай и бытовой кизефкст. МТС-су и Райзов курсс кучемс сяда лама стирняда и од авада, конатнен эзда тундаты самос 5 стирнят кучемс руководящай работас.“

Вов работамань программаь, конань комсомольской организацияти максозе стирнянь и од авань пуромксс.

Комсомольской организацияти и сембеда пяк комсоргти Татымовти стирнятьнен тя наказсна эряви тиёмс работамань планоьди и кда нят вешьфкснен пашкодысасть, то колапань стирнятьнен кармахть улема активнахть,

ГРОИТ.

Отв. редакторсь Ф. С. РУСЬКИН.